

Wien, Österreichische Nationalbibliothek (ÖNB), Cod. 4897

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

233

HERMENEUTICI.

234

CLII.

U.75 Codex chartaceus lat. Sec. XV.
 Folior. 360. 4. currente calamo perscriptus, et rubricis enotatus Commentarius est in *Ecclesiasticum* hujus initii: *Summi regis palatium in quatuor consummatur, hoc est, in fundamento et partibus, techo et ornato interiori &c.*
Rabano, quo plurimum utitur, etiam *Prologum* sublegit, et tertio loco posuit Autor, denique ita concludit: *Vna autem alarum istarum fuit iste ihesus filius syracb — alia autem ala est ysaias, quem post illum librum iuuante domino proponimus nos leffuros. Deo gratias.* Accedit Index rerum alphabeticus. Thecae anteriori inscriptum: *Egregius pater sacre theologie ac arcium liberalium docto preclarus ecclesie Wienn. Decanus atque canonicus predignus Magister Paulus de Mellico ad Collegium Ducale Wienn. hunc librum testatus est.* Et supra: *Anno domini &c. 48. propter deum ad consilium Magistri Urbani plebani in Stain. An is Urbanus de Mellico Nostri Pauli conterraneus, qui positis a. 1435. Academiae fascibus fortasse sacer illius Urbeculae non procul a communi patria, sed ultra Danubium sitae Curio effectus fit, ejusque suauis *Paulus Ecclesiasticum* exponendum sumserit?*
Locheri Speculum Acad. illi annum 1442. huic vero 1479. emortualem adsignat. Dorsum Codicis quidem *Paulum Expositionis* autorem facit; verum quomodo eam a. 1448. aut orsus est, aut

perfecit ad consilium hominis a. 1442. demortui? Itaque vel annus *Locheri* in mendo cubat, vel Codicis dorsum fallit. Conspicuus ceterum inter Patres Academicos vir erat *Paulus*, ut ejus ad Synodum *Passavensem* a. 1470. misio, et quater gestus ab a. 1451. ad a. 1471. summus Magistratus testatum facit.

CLIII.

Codex chartaceus lat. Sec. XV. U. 135
 Folior. nunc 276. f. per duas columnas exaratus, rubro distinctus, et, ut praefert, deputatus *Thoma de baslpach operante pro libraria ducalis Collegij in myenna ab honorabili viro Vlrico presbitero Prebendario in Kotwico, dum adbuc viueret, sed qui 1440. de mense Aprilis obiit, vastum, et VIII. Libris constantem Commentarium in *Isaiam* exhibet, inscriptum: Incipit Prologus *Eruelij super ysaiam. Ervegium hunc Herveum intellige O. S. B. Monachum Dolensem in Dioec. Bituric. Sec. XII. Scriptorem, quem Codex Campilil. pejus in *Curveijum* corruptit teste Bern. Pezio in *Dissert. Isag. T. III. Thes. Anecd.* qui dicto T. Opus nostrum typis repraesentavit, praevie res et scripta *Hervei* solerter, ut solet, executus, unde manum abstineo, id notare contentus: defuisse in Viri Codicibus *Prologum*, qui nobis ita inchoat: *Ysaias filius amos non illius prophete sed alterius, qui simili nuncupatur nomine, ille enim ex ministerio pastorum fuit de opido thecue, Hic autem genere nobili***